

Aruba, Gobernador y Hulanda yegando na otro



ORANJESTAD — Gobiernonan di Aruba y Hulanda, hunto cu Gobernador di Aruba ta trahando riba un posibel solucion pa e crisis constitucional y

presupuestario. Ayera tardi secretaria di Consejo di Minister y consehero a reuni cu gabinete di gobernador for di cual a sali na cla cu desde diasabra

na un nivel di ambtenaar, tin acercamento entre e tres partidonan y ta formulando un acuerdo nobo.

Lesa e detayenan riba pagina A3

Ta trahando riba un acuerdo nobo

Aruba, Gobernador y Hulanda yegando na otro

ORANJESTAD — Gobiernonan di Aruba y Hulanda, hunto cu Gobernador Fredis Refunjol ta trahando riba un posibel solucion pa e crisis constitucional y presupuestario. Ayera tardi secretaria di Consejo di Minister Nicole Hoevertsz y consehero Richard Arends a reuni cu gabinete di gobernador pa basta largo.

Despues di e reunion a sali na cla cu ya for di diasabra caba na nivel di ambtenaar, tin acercamento entre e tres partidonan y cu ta formulando un acuerdo nobo pa asina termina e impase y e welga di hamber di prome minister Mike Eman. Segun Hoevertsz, ta trata di un documento cu puntonan nobo. Prome minister Eman a haya un prome version caba pa ratifica of duna comentario y despues Hoevertsz y Arends a bay bek cu e documento pa gabinete di gobernador pa sigui negocia. Prome minister Eman, a duna un declaracion cortico, bisando cu su gobierno, gobernador, ministerionan di Asuntonan General y di Relacionnan den Reino ta trahando riba un solucion na unda cu unico ganador ta Reino.

“Nos no t’ey ainda”, prome minister a declara. ta trahando riba nivel di ambtenaar awo y e nivelnan mas halto di gobierno di Hulanda mester bay di acuerdo. E ta yama e desaroyo prometedor, pero ta declara di keda den e lucha, bisando cu ultimo tempo el a kere diferente biaha cu lo yega un fin na e impase, pero cu esaki no a resulta di ta e caso. Tabata den oranan di

anochi ora a mira entre otro director di gabinete Martijn Boelen bandona e edificio. A haya di compronde cu Hoevertsz a bay su oficina na Bestuurskantoor. No ta conoci kico ta e status di e negociacionnan of si lo sigui awe.

Cups di ijs

Mientras tanto un grupo di simpatisantenan cu a keda henter dia den bisindario di Fort Zoutman a bay sinta riba stupi na banda di gabinete di Gobernador, pa asina muestra nan malcontento cun’e na un manera mas directo. Den oranan di atardi, ora gobernador Refunjol a sali bay cas, el a wordo ricibi cu gritonan y saliendo cu su auto un hende lo a tira un cups cu ijs riba e vehiculo.

Conferencia di prensa



Ayera a cuminsa cu un conferencia di prensa den oranan trempan di mainta. E conferencia aki den sala grandi di Fort Zoutman tabata en cadena via Skype cu Arubahuis na Den Haag na unda periodistanan Hulanandes por a sinta y haci preguntanan directo



na prome minister Eman. E prome mandatario, mustando basta stabil a duna un declaracion treciendo punto

algo cu den comunicado di prensa anunciando e conferencia si a menciona. Aruba su libertad di presupuesto ta algo sagrado, net pasobra Aruba mes sa kico pa haci y ki ora pa tuma accion adecua pa drecha su economia. A purba di coopera cu Hulanda activamente y a comparti tur cifra, pero Hulanda toch kier a introduci un CFT manera tin na Corsou y St. Maarten. Aruba nunca a pidi placa for di Hulanda y nunca lo kier haci esaki. Prome minister a haya diferente pregunta for di periodistanan Hulanandes. Por ehempel, a puntra prome minister Eman con di un diabierna pa otro a bay di no haya ‘aanwijzing’ pa si. Prome minister Eman a bisa cu den e proceso pa nombra un team pa investiga presupuesto, tabatin confusion entre premier Rutte y minister Plasterk pa loke ta nombracion di Frans Weekers. Despues algo a bay fout den comunicacion pa loke ta envolvimiento di CFT y te hasta

si Aruba mes lo por dicidi ken lo bay ta den e team. A puntra prome minister Eman tambe si e ta dispuesto pa haci concesion. E mandatario a bisa cu ya caba Aruba a muestra dispuesto pa haci concesion dor di bay di acuerdo pa laga controla presupuesto dor di un team independiente. Tambe a puntra un reaccion riba ponencia di minister Plasterk cu salarionan di ambtenaar no ta core peliger. Segun prome minister Eman, no salario di ambtenaar so, pero henter presupuesto y obligacionnan na entre otro ATA y AZV ta core peliger.

Plasterk no ta compronde enbergadura di consecucionan di accionnan di gobierno di Hulanda, segun Eman. Na final a puntra prome minister con a para cu su salud. Na momento ey emocionnan a bira mucho fuerte pa prome minister Mike Eman y el a cuminsa yora. A termina e conferencia di prensa na momento ey. □

di bista di su gobierno pa loke ta e crisis. Loke a resalta den su discurso tabata cu prome minister Eman a indica cu posibel pasonan huridico contra Hulanda internacionalmente lo ta un ultimo remedio cu e lo kier evita mirando cu esaki lo dañá reputacion di Reino,